



Broj:04-11-2907/23

Datum: 20.10.2023. godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22), na Preporuku Komisije za javnu nabavku broj: 04-11-2907/23 od 20.10.2023. godine, u postupku javne nabavke -Usluga izrade projektne tehničke dokumentacije „Zaštita izvorišta vode za piće Dabar sa usklađivanjem zona sanitarne zaštite izvorišta Zdena” u sistemu vodosnadbijevanja Sanskog Mosta, Općinski načelnik donosi:

### **O D L U K U** **o izboru najpovoljnijeg ponuđača**

#### **Član 1.**

Prihvata se Preporuka Komisije za javne nabavke, broj: 04-11-2907/23 od 20.10.2023. godine da se ugovor za javnu nabavku: **Usluga izrade projektne tehničke dokumentacije „Zaštita izvorišta vode za piće Dabar sa usklađivanjem zona sanitarne zaštite izvorišta Zdena” u sistemu vodosnadbijevanja Sanskog Mosta**, dodijeli **grupi ponuđača “ZAVOD ZA VODOPRIVREDU” d.d. Sarajevo i “IBIS Inženjering” d.o.o. Banja Luka**, ponuda broj: 03-21-96-3/23 od 25.09.2023. godine, za ponuđenu cijenu od 13.000,00 KM bez PDV-a ( ukupna cijena sa PDV-om iznosi 15.210,00 KM), kao najbolje ocijenjenom ponuđaču.

#### **Član 2.**

Prijedlog ugovora o nabavci dostavit će se na potpis izabranom ponuđaču, Grupa ponuđača “ZAVOD ZA VODOPRIVREDU” d.d. Sarajevo i “IBIS Inženjering” d.o.o. Banja Luka, kao najbolje ocijenjenom ponuđaču, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 3.**

Za izvršenje ove odluke zadužuje se i ovlašćuje Služba za razvoj, poduzetništvo i resurse.

#### **Član 4.**

Ova odluka objavit će se na web-stranici [www.sanskimost.gov.ba](http://www.sanskimost.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Rješenjem o pokretanju postupka javne nabavke broj: 04-11-2907/23 od 25.08.2023. godine.

Javna nabavka je provedena putem otvorenog postupka.

Procijenjena vrijednost javne nabavke je 20.000,00 KM.

Obavijest o nabavci broj: 305-1-2-49-3-78/23 poslana je na objavu dana 06.09.2023. godine, a objavljena je na Portalu javnih nabavki dana 06.09.2023. godine.

Komisija za javnu nabavku, imenovana Rješenjem broj:04-11-2907/23 od 14.09.2023 godine,

dostavila je dana 20.10.2023. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-2907/23, u postupku javne nabavke: Usluga izrade projektno tehničke dokumentacije „Zaštita izvorišta vode za piće Dabar sa usklađivanjem zona sanitarne zaštite izvorišta Zdena” u sistemu vodosnadbijevanja Sanskog Mosta.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri).
- da je blagovremeno zaprimljeno 4 (četiri) ponude.
- da su ponude ponuđača: Grupa ponuđača “ZAVOD ZA VODOPRIVREDU” d.d. Sarajevo i “IBIS Inženjering” d.o.o. Banja Luka, “INSTITUT ZA HIDROTEHNIKU” d.d. Sarajevo i “IBIS” d.o.o. Zavidovići prihvatljive.

Naziv / ime ponuđača	Ponuđena cijena (bez PDV-a)
1 Grupa ponuđača: “ZAVOD ZA VODOPRIVREDU” d.d. Sarajevo i “IBIS Inženjering” d.o.o. Banja Luka	13.000,00
2 “INSTITUT ZA HIDROTEHNIKU” d.d. Sarajevo	16.700,00
3 “IBIS” d.o.o. Zavidovići	19.850,00

Komisija za javne nabavke u analizi blagovremeno pristiglih ponuda, te pregledu istih, ustanovila je da 1 (jedna) pristigla ponuda, ponuda “PROJEKT” a. d. Banja Luka nije prihvatljiva. Neprihvatljiva ponuda i nedostaci u istoj, kako slijedi;

1. Ponuda ponuđača “PROJEKT” a. d. Banja Luka ima sljedeće nedostatke:

- Obrazac za dostavljanje ponude, tačka 3. (prilog br.1) nepravilno je popunjen, ponuđač je u obrascu naveo:

Cijena naše ponude bez PDV-a je: 16.4000,00 KM

Popust koji dajemo na cijenu ponude je : 0,00 KM

Cijena naše ponude sa uključenim popustom je: 0,00 KM

PDV na cijenu ponude (sa uračunatim popustom) je: 0,00 KM

Ukupna cijena za ugovor je: 19.188,00 KM

- Obrazac za cijenu ponude-robe (prilog 2) nepravilno je popunjen, ponuđač je u obrascu naveo:

Ukupna cijena bez PDV-a =16.400,00

Popust =0,00

Ukupna cijena sa popustom bez PDV-a =0,00

- Ponuda ponuđača ne sadrži prilog br. 7.- povjerljive informacije, popunjene u skladu sa obrascem, a to je dokument koji prema tački 4.7. tenderske dokumentacije ponuda treba da sadrži.

- Tačka 6.4. tenderske dokumentacije, tehnička i profesionalna sposobnost nije ispunjena, jer je ponuđač dostavio potvrdu broj 02-01-1396/23 koja se odnosi na ugovor o izradi projekta zaključen 2018. godine, tako da neispunjava uslov tražen tenderskom dokumentacijom-”Zbir vrijednosti isti ili sličnih ugovora treba da iznosi minimalno 20.000,00 KM”, za period ne duži od tri godine.

Zatim, pošto je ponuda-cijena grupe ponuđača: “ZAVOD ZA VODOPRIVREDU” d.d. Sarajevo i “IBIS Inženjering” d.o.o. Banja Luka (13.000,00 KM bez PDV-a) za više od 20% niža od cijene drugorangirane prihvatljive ponude bez PDV-a, u skladu sa članom 66. stav (1) i (2). Zakona o javnim nabavkama BiH i člana 17. stav (7) Upustva za pripremu modela tenderske dokumentacije i ponuda Komisija za javne nabavke je tražila objašnjenje cijene ponude koju smatra neprirodno niskom. Dana 09.10.2023. godine putem emaila i redovne pošte je upućen zahtjev navedenom ponuđaču da dostavi obrazloženje neprirodno niske cijene odnosno detaljne informacije o

relevantnim sastavnim elementima ponude, uključujući elemente cijene. Komisija za javne nabavke je 16.10.2023. godine putem redovne pošte zaprimila od grupa ponuđača: "ZAVOD ZA VODOPRIVREDU" d.d. Sarajevo i "IBIS Inženjering" d.o.o. Banja Luka obrazloženje neprirodno niske cijene, koje je i prihvatila.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Naziv / ime ponuđača	Ponuđena cijena (bez PDV-a)
1 Grupa ponuđača: "ZAVOD ZA VODOPRIVREDU" d.d. Sarajevo i "IBIS Inženjering" d.o.o. Banja Luka	13.000,00
2 "INSTITUT ZA HIDROTEHNIKU" d.d. Sarajevo	16.700,00
3 "IBIS" d.o.o. Zavidovići	19.850,00

Izabrani ponuđač Grupa ponuđača: "ZAVOD ZA VODOPRIVREDU" d.d. Sarajevo i "IBIS Inženjering" d.o.o. Banja Luka, ponuda broj: 03-21-96-3/23 od 25.09.2023. godine, izabran je primjenjujući kriterij najniže cijene, koja je ponuđena u iznosu od 13.000,00 KM bez PDV-a (ukupna cijena sa PDV-om iznosi 15.210,00 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. Grupa ponuđača: "Zavod za vodoprivredu"  
d.d. Sarajevo i "IBIS Inženjering" d.o.o. Banja Luka  
Paromlinska 53 R/I

71000 Sarajevo

2. „INSTITUT ZA HIDROTEHNIKU" d.d. Sarajevo  
Stjepana Tomića br. 1.

71000 Sarajevo

3. „IBIS" d.o.o. Zavidovići  
Husein-kapetana Gradaševića b.b.

72220 Zavidovići

4. „PROJEKT" a.d. Banja Luka

Veselina Masleše 1/IV

78000 Banja Luka

5. u dosije

6.a/a



OPĆINSKI NAČELNIK

Faris Hasanbegović, prof.